

Njoftim për punësim

Termat e Referencës (ToR)

Shofer për drejtimin e automjetit për ofrimin e shërbimeve lëvizëse të Qendrës Sociale Balashe në territorin e Bashkisë Elbasan

Titulli i projektit	“Zgjerimi i shtrirjes dhe ofrimit të shërbimeve të kujdesit social të Qendrës Sociale Balashe për fëmijët dhe familjet në nevojë” (EMBRACE BALASHE)
Pozicioni	Shofer
Lloji i kontratës	Kontratë pune individuale (12 muaj)
Zona e zbatimit	Elbasan

Informacion i përgjithshëm mbi organizatën:

Themeluar në vitin 2011, Instituti i Kulturës Rome në Shqipëri (IRCA) është një OSHC rome e cila qëndron për një shoqëri multi-etnike dhe gjithëpërfshirëse që bazohet në parimet universale të të drejtave të njeriut dhe barazisë.

Misioni i organizatës është të mundësojë një zhvillim të barabartë dhe të qëndrueshëm të komuniteteve rome nëpërmjet avokimit, mobilizimit, fuqizimit, bashkëpunimit, hulumtimit të orientuar drejt politikave, veprimit dhe kërkimit pjesëmarrës, si dhe pjesëmarrjes së barabartë në proceset demokratike, akses të barabartë në të drejta dhe shërbime dhe promovim i kulturës dhe identitetit rom.

Informacion rreth projektit:

Projekti “Zgjerimi i shtrirjes dhe ofrimit të shërbimeve të kujdesit social të Qendrës Sociale Balashe për fëmijët dhe familjet në nevojë (EMBRACE BALASHE)” është duke u zbatuar nga Instituti i Kulturës Rome në Shqipëri – IRCA në partneritet me Bashkinë e Elbasanit. Ky projekt zbatohet me mbështetjen e programit të Bashkimi Evropian për Kujdesin Social (EU4SocialCare) i financuar nga BE dhe i zbatuar nga UNICEF Albania dhe World Vision Albania.

Modernizimi i Qendrës Sociale “Balashe” me qëllim ofrimin e shërbimeve dinjitoze dhe cilësore për të gjithë përfituesit është themeli i strategjisë së projektit. Projekti do të mbështesë krijimin e protokollit të shërbimeve të integruara, si dhe planin operacional të Qendrës Sociale Balashe për ofrimin e shërbimeve të integruara (shërbime lëvizëse dhe në ambientet e qendrës), duke forcuar partneritetin me shërbime të tjera ekzistuese, për të siguruar mbështetje gjithëpërfshirëse dhe të aksesueshme për të gjithë anëtarët e komunitetit. Shërbimet përfshijnë: shërbime psikologjike dhe fizioterapeutike, mbështetje pas shkolle për fëmijët, si dhe lehtësim për zhvillimin e aftësive dhe punësimit.

Prezantimi i njësisë lëvizëse të kujdesit social do të sjellë një përparim të madh në ofrimin e shërbimeve sociale për Elbasanin. Kjo njësi do të veprojë si një zgjatim i Qendrës Sociale Balashë, duke ofruar shërbime përmes njësisë lëvizëse drejtpërdrejt për personat me aftësi të kufizuara, komunitetet e cënueshme dhe të marginalizuara. Kjo qasje do të rrisë ndjeshëm cilësinë e kujdesit dhe do të ulë pengesat për akses, veçanërisht për ata me lëvizshmëri të kufizuar, ata që jetojnë në zona të largëta apo individët të cilët nuk mund të aksesojnë shërbimet në qendër për arsye të ndryshme.

Qëllimi i shërbimit:

Qëllimi i këtij shërbimi është të sigurojë një transport të sigurt, të përshtatshëm dhe efikas për ofrimin e shërbimeve lëvizëse të Qendrës Sociale Balashe në territorin e Bashkisë Elbasan. Ky shërbim synon të mbështesë grupet në nevojë duke mundësuar qasjen e tyre në shërbimet sociale, si dhe të lehtësojë punën e stafit të qendrës në realizimin e detyrave të tyre në terren.

Detyrat dhe përgjegjësitë:

- Drejtimi i automjetit për ofrimin e shërbimeve të Qendrës Sociale Balashe në territorin e Bashkisë Elbasan, bazuar në një grafik lëvizjesh të koordinuar me stafin e projektit.
- Sigurimi i një transporti të sigurt dhe efikas për stafin dhe përfituesit e shërbimeve.
- Mirëmbajtja dhe kujdesi për automjetin, përfshirë kontrollet e rregullta teknike dhe pastrimin.
- Respektimi i rregullave të trafikut dhe protokolleve të sigurisë rrugore.
- Mbajtja e regjistrave të përdorimit të automjetit dhe raportimi për çdo problem teknik.

Kualifikimet dhe kriteret:

- Leje drejtimi e vlefshme
- Eksperiencë e mëparshme si shofer, preferohet në pozicione të ngjashme.
- Njohuri të mira të rrugëve dhe zonave të Bashkisë Elbasan.
- Aftësi të mira komunikimi dhe bashkëpunimi me ekipin dhe përfituesit.
- Përgjegjshmëri dhe kujdes për mirëmbajtjen e automjetit.

Procedura e aplikimit:

Personat e interesuar duhet të dergojnë brenda **dates 14 mars 2025 (shtyhet deri ne 28 mars 2025, rishtyhet ne 15 Prill 2025)** në adresën e emailit institute.irca@gmail.com ose fizikisht prane zyrave te IRCA dokumentat si më poshtë:

CV-në e përditësuar.

Kopje të lejes së drejtimit.

Letër motivimi (opsionale).

Oferte financiare

Vemendje:

Në subject të e-mailit të vendoset: Aplikim për pozicionin shofer ne kuader te projektit EMBRACE Balashe.

Kriteret e vlerësimit

Aplikimet do të vlerësohen bazuar tek kriteret e mëposhtme:

Kriteret e vlerësimit	Vlera në %
Edukimi	30%
Eksperienat e mëparshme relevante	40%
Oferta financiare	30%

Vetëm kandidatët që ftohen për intervistë do të njoftohen për vendimin e përzgjedhjes. Instituti i Kulturës Rome në Shqipëri – IRCA rezervon të drejtën të mos informojë kandidatët e refuzuar për arsyet e refuzimit të tyre.

Shënime të rëndësishme:

-Të gjithë personat e përfshirë në programet e IRCA, duke përfshirë stafin e brendshëm, stafin e jashtëm, ekspertët, kontraktorët, vullnetarët dhe mbështetësit, janë të detyruar të respektojnë politikat e mbrojtjes së fëmijëve, masat kundër abuzimit dhe shfrytëzimit seksual, rregulloret e brendshme të IRCA-s, kodin e sjelljes, si dhe legjislacionin në fuqi për mbrojtjen e fëmijëve. Gjithashtu, ata duhet të jenë të informuar dhe të zbatojnë çdo dokument tjetër të rëndësishëm në këtë fushë.

-Të gjithë individët që angazhohen në marrëdhënie bashkëpunimi me IRCA nënshkruajnë kontratat përkatëse dhe politikat e IRCA-s, të cilat përshkruajnë të drejtat dhe përgjegjësitë e secilës palë.

-IRCA është një organizatë e bazuar në vlerat e meritokracisë. Çdo ndërhyrje në procesin e përzgjedhjes çon në skualifikimin e menjëhershëm të kandidatëve.

-IRCA ka politika që dënojnë çdo formë abuzimi apo diskriminimi për shkak të moshës, gjinisë, përkatësisë etnike, orientimit seksual, etj